

漳州府志卷之四十一

國朝列傳下

陳大來

亨造

亨通

率先

吳維圻

鍾

郭宏纘

蔡司需

黃易

柯願

薛正冠

謝亦驥

劉勃

蔡日光

戴盼

陳聲

鄭之良

蘓潮

沈一葵

昌天錦

王蒼

胡必奇

謝廷憲

形詔

何子祥

林名世

陳先聲

陳大來字陽開其先龍溪人後徙南靖生而穎異刻志問學順治戊子領鄉薦授寧鄉令時天下初定戶口散亡

漳州府志

卷之四十一

人物六

三百五十二

十二三賦稅尚沿前弊乃請去繁重免間架銀三千餘
減田房契稅八百兩民困以紓尚寬政不忍加笞迨擢
郴州牧州為楚塞苗獠雜處俗悍難治大來則曰是宜
立威廉巨奸數人寘諸法屬邑聞風咋舌謂令君固稱
慈善乃持法若此率震懾服教以憂去職遂不復仕家
居課督諸子暇則攜僮僕尋花蒔或偕朋從玩景光冲
然若有以自得者蓋三十年猶子亨造字偕德性閑雅
以誦讀為娛尤工吟咏著有雲園易義及詩集計偕還
過其象即墨令亨通與青州名士為詩文會得疾而卒
亨通字叔嘉以貢生歷宰諸邑殫心于民初任祥符丞



督堤工勸民沿河植榆柳並請修復屯田制以廣儲積
大吏乃悉亨通才擢墊江令以憂歸起補泗水值歲登
亨通加意撫恤給牛種疏水利以溉田民賴之再補卽
墨擢刑曹道卒膠州卽墨人相語曰吾苦旱令爲我雩
吾苦追呼令聽我自輸吾患盜賊令爲我捕獲有善政
三我民尸祝俎豆之魂魄猶應戀此也因立祠享祀焉
方亨通之再丁憂也泗水民稔令貧設櫃四門投白鏹
七百鏹爲贖郤之不可乃以其半充學宮半修城雉終
不取一錢子率先亦貢生有吏才仕終武岡州牧

吳維圻字畿平鎮海衛人四歲而孤母王氏手續易米哺

漳州府志

卷之四

人物六

二

四百三十七

之稍長倜儻不羈母嚴乃俛首治舉子業以所爲文贄
何黃如經指授豁然頓悟嘗會文鄴山日成數藝多驚
人語爲黃石齋賞識由是有聲以順治戊子選貢授彰
德府叅軍刺史偉其才時謫以政郡多盜維圻設法偵
諜戮其魁又請鄉各懸應鼓爲寇警援盜發輒獲尋遷
令清豐其俗勁鷲少文維圻至新學宮教以寇昏喪祭
四禮民風一變却常例錢無敢干以私者富商罹重法
介鄉貴以千金請峻拒之獄成頌廉明焉將告歸直指
使孔興鍾徵服察治狀父老歎息稱吾令君長者今以
衰老欲引年去可柰何直指心異之固留維圻而歸志

已決具言少時母子勞苦遭亂遷徙無家不得已爲祿
仕自忖餘生無幾願歸故里修治先人墳壟直指憫其
志遂許焉去之日百姓泣送數十里抵家尋以疾終維
圻魁梧奇偉雙眸炯炯有光懷抱奇才未究其用士論
惜之子鍾字惺菴少時奉母避亂龍山母病思飲長流
水越數里夜汲爲盜所得詢知其故舍之去第石長蚤
世第婦趙氏撫遺腹子景鴻盡以已產讓之教讀自給
工詩古文詞尤以制義鳴登康熙甲戌科進士任內邱
知縣與守忤投檄歸

郭宏纘字子參漳浦人明季諸生時方多事宏纘因究心

漳州府志

卷之四十一

人物六

三

四百零八

韜畧 國初以明經從貝勒入閩有功授乳源令禁濫
派免宿逋民困以蕪歲丁亥山寇竊發侵縣邑乳源孤
城岌岌然官民懼不克保宏纘從容部署密請援于外
連日轟飲堞樓上佯爲不知有寇者賊謀知果心易之
翼日援兵集宏纘突出乘不意多鼓鈞聲渡河橫擊之
俘斬無算邑賴以全初乳源令死于兵當軸以宏纘威
重故任之卒成奇功在任三年橐無餘金去後民愈思
之

蔡司需龍溪人順治辛卯舉人知東流縣興利捍患如不
及歲大旱捐俸賑卹具菑黎上報大吏駁核再三司需

堅執前後得免賦一千八百六十兩又奉上官檄發粟九百餘石按戶散給飢民東流人士爲詩頌德改宜興脩縣志建義倉亦施德于民並著聲

黃易字子參漳浦人寄籍廣東中順治乙亥進士當遷移令下流民失業易詣闕陳狀爲當道所沮而止授歸化尹廉幹有聲邑防守將弁暴悍商人倚恃藩邸肆毒平民易具牘力陳之大府悉除去時單騎巡行阡陌問閭閻疾苦民甚德之耿精忠反削髮變姓名間道入粵粵東繼叛遁入江右聞康親王度仙霞乃詣軍前自効王嘉其忠疏于

漳州府志

卷之四

人物六

四

朝已得

旨議敘遽以疾卒

贈按察僉事祀歸化名宦

柯願字又鄒龍溪人幼能文然遇試輒空順治辛丑始成進士除藁城令以循吏獲薦

賜章服中以註誤歸起補東安方四十日敘擢禮曹典試山左旋權蕪湖閔悉除去常例復管大平倉支收有法願歷數任皆以勤慎集事居鄉十餘載與里閭同心設法弭盜一方無警

薛正冠字卓子長泰人登順治丁酉科任永興署柳州資

陽皆有惠政永興里民月供令薪水錢六十緡行之已
久正寇惻然曰吾赤子膏血也立除之兵燹後城垣剝
損以農隙勸民脩治不日竣功時值清丈田畝按則例
行之民感其不擾以疾告歸求民肖象祀焉

謝亦驥字玉路龍溪人弱冠補弟子員小試輒冠其曹屢
躡于場屋時爲詩歌古文以自樂康熙乙卯歲薦試京
兆爲韓慕廬莢錄取年五十矣又十餘年始補丹陽尹
地衝民力凋瘁亦驥至寬征入省徭役踰年民歌其德
以老病乞休旣歸居東郭倉園中與李基益爲文字友
對攜一杖逍遙山水間作雙杖歌卒年八十八著有浩

漳州府志

卷之四十一

人物六

五

四百十一

園詩草丹陽集

前志論曰曩歲過丹陽策蹇躑躅雪泥中晚投野人
宿聽談謝令舊事殊嘖嘖近世作令不乏良材而一
官傳舍視之民亦以羈旅視其令亦驥獨以欵誠留
去後思民情大可見信夫

劉勃字幼安龍溪人以能詩鳴登康熙壬戌進士授遂平
令時隣省大饑流民入境就食勃書其數而撫之旣
朝廷令有司籍流民諭富室有能送流民還鄉者以家口
計賞獨遂平令籍先具擢戶部主事轉吏部有閩縣令
苛刻虐士事聞下部議令厚賂當權者欲阿之勃堅持

不可令竟落職士氣賴焉卒于官著有寄別文集修廬類纂行于世祀鄉賢

蔡日光字于章龍溪人父時中順治辛卯舉人日光稟承儒業邃于經傳與同里鄭亦鄒齊名人謂蔡經鄭史登康熙甲戌進士爲綦江知縣有惠政綦士治經不爲易學日光曰易五經之原也何可獨缺爲刻周易傳義以庋學宮月課諸生經解一通是科鄉闈以易雋者四人及去任綦士祠之榜曰易教開先晚年里居飭名節時稱其廉介

戴盼字子質龍溪人性警敏過目成誦少逃亂復困追呼

漳州府志

卷之四十一

人物六

六

四百〇七

諸兄嘗翼蔽之盼顧跌宕自喜讀書草堂聲琅琅徹午夜方是時海寇爲患漳上連年盼時時仗劍升高山望漳南形勢作封侯想曰伊川大儒樂觀史書垓下之戰真好意象及讀范希文所以語張子厚者洒然一笑下帷講誦康熙甲戌登進士第授長垣令長垣河北劇邑也盼剖決如流有健豪爲害鄉里事發請張獄三年不決親履其地折以斤言竟泥首服孱民謹呼頌神君卽其地建生祠焉丁母憂歸遂不出一日入郡城見舊宅歛頌慘然曰先子遭變視天處也亟新之未落成而盼卒盼才高下筆雄邁奇偉與文士訂南州會同學皆下

十餘萬痛爲釐革其弊復多方設法寓催科於撫字中民爭輸恐後不一年完解正課銀二十九萬有奇民脫逋累服其能而懷其德三年任滿調山西汾州府一蒞治汾如治徽卓有成績入補授刑曹因病解歸里居三載以壽終自爲令至守郡皆繁劇之區治行前後不渝稱循良吏無愧云

昌天錦字漢瞻龍溪人父文燦登康熙丁卯科天錦亂年警穎文燦奇愛之口授經書過目成誦文燦歿天錦年十五依於祖每哭父慟絕家人曰大父至矣卽收淚不敢出一聲弱冠補弟子員當是時郡文士聯東江會並

漳州府志

卷之四十一

人物六

九

四百三十七

名宿獨天錦年少廁其中咸加推重曰英哉昌子康熙辛卯舉於鄉乙未成進士謁選得山西壽陽令引見奏對詳明授涿州知州甫下車會水災民饑按口賑給不假手胥吏復於南關立普濟堂以養病者一時有千萬饑民盡飽餐之謠州故衝有勢要子弟徵車車戶互推委忿爭斃命天錦承讞執法不爲顛預竟忤上官改教職代者承意苛求滯留六載同鄉宦都中者稔狀慰之曰子例得開復天錦顧以其母春秋高事楚則束裝歸省欣然也改補邵武教授在任十年整躬訓行風教整然從弟錫晉字耀西爲古文詞有法度詩清雋得唐

人風調乾隆戊子舉人年四十卒

王蒼字伊人長泰人性簡脫而和易朴誠無賢愚少長親疏皆暱之康熙乙未登第後卽告歸養母越二十餘載始赴選令來賓來賓越西小邑民獯雜處每年稅役唯唯聽冬頭命維謹冬頭者主呼召村民者也皆土人桀黠者爲之欺獯人惟悻藉有司令驚嚇之叫囂衝突丁男他出則以妻若女代役甚且雜糝之過奴婢及輸納正賦又巧法侵牟爲奸利入數倍漫不敢訾省蒼冬日偶行村落村人寒無衣見吏至咸哄然避去蒼召而慰之曰勿怖官汝父母也詢問疾苦具悉顛委乃除去冬

漳州府志

卷之四十一

人物六

十

四百十九

頭平征徭別男女獯民出入縣門吏無敢呵間以餘閑陟降原巘爲指示山川形勢向背宅里所宜情詞藹藹若家人獯民環而膜拜號之爲佛一時賢聲達省會大吏調繁宜山未幾以註誤旋里環堵蕭然吹竹彈絲以自樂或偕朋從登山臨水講堪輿之術終不詢家計年八十四卒始來賓未知學蒼爲立鄉校課文藝邑人之興於學也自蒼始獯俗於所親者臨別必唾其面以誌愛蒼之歸也百姓咸依依不忍舍乃群而唾之蒼好潔唾滿面亦不忍拭去

胡必奇字仲郊南靖人父而居有勇力當山賊余角之亂

破擾山砦而居左手抱父右提戈向賊賊皆披靡必奇
短小精厲胸次瀟然有逸致好吟詩衝口出登康熙癸
巳科教諭福清士志歸向授浙江宣平令邑有官逋數
萬必奇至舊尹七人咸負累羈留通謁鳴苦狀慨然曰
吾責也逕許之歸而徐陳之大吏請蠲免歲除荒糧千
八百兩有奇兵米一百十九石嘗以事行治內宿富家
樓夜靜就寢矣忽竈烟裊裊從窓戶入瀰漫一室急側
視一老嫗方自炊作食狀甚戚詢之卽富人庶祖母也
必奇忿不寐黎明名而重責之曰爲子孫當如是耶諸
村落聞之咸惕息無敢遺其親者迨告歸民爲立祠堂

漳州府志

卷之四十一

人物六

士

四百三十一

橐蕭然日與生徒講貫或時嘯味以爲樂卒年八十一
著有西野文集詩草行于世

謝廷憲字簡臣詔安人也年十六補博士弟子員旋見知
于督學汪薇貢入成均四明陳汝咸署詔安令得廷憲
文奇之造門請見由是名大噪詔安近粵東揭陽饒平
諸生爭執贄及門後先成進士多經其指授廷憲於朱
子四書解體會獨真詣深極微遠近學者宗之晚得壽
寧教諭考課經義而歸之實行多士尤傾服告歸家居
敦厚有古人風教養諸弟至于成立四弟彤詔以家貧
欲廢業力勸勉之彤詔感兄意發憤自強思有所建樹

于後雍正癸丑成進士令鳳翔邑有規例歲數百金爲
羨費峻却之長官道經治所厨傳供應皆出祿餘不以
累民鳳翔爲古扶風名區而甲科寥落乃捐修文廟月
課生童親定甲乙以振之是科邑士李莪遂得第邑北
鄉民多居陶穴穴崩民壓焉急馳視給官楛屯民業亡
尚徵額代納至數百金舒其困蒞任四載以爲常去任
之日父老子弟餞送百餘里不忍去僉謂廷憲兄弟位
望雖未顯而厠之古秩官中其立志忠實處爲醇儒出
爲良吏以視唐施士丐元魯山庶幾焉

何子祥字象宣平和人乾隆辛未進士少喪父受書于兄

漳州府志

卷之四十一

人物六

三

四百二十六

未幾兄卒念及輒涕下率衆建向文書院以宗祀紫陽
而并及姚江著其功也選授浦江令絕私謁清陋規興
浦陽書院以勵文教表鄭氏義門以振民行民翕然向
風調繁平陽所以便民者一如浦江修城濬河皆捐俸
以充民不擾庚辰壬午同考所得皆知名士癸未乙酉
歷辨大役有勞績加通判銜尋以疾卒于官兩邑民如
喪慈父母皆立祠祀之天性孝友能以實心行實政臺
使者常定其考曰悃悃無華月計有餘可以覘其概矣
所著有蓉林筆抄皆錄其政績

林名世字占有詔安人也父懷材以孝聞九歲失怙墓在

五島山去縣城甚遠遇狂風雨輒奔視哀慟鄉里矜其
行有沈氏以女女焉生名世篤行好學壬申登賢書丁
丑成進士授山西猗氏令在任四閱月禮士愛民以不
能事上官改汀州教授皂隸子與試歸化廩生遵功令
擯之忤郡守予杖并示意學師勿途歲考名世極力調
護諸生感之尋罷職歸恬守家園年七十無病終

陳先聲字偉文平和人乾隆癸酉舉人少重默不鎮人以
氣而儕輩皆下焉篤于學問尤邃諸經甲戌會試中明
通榜除建寧教諭卽以其素所心得者推以教人規言
矩動具有法守嗣調臺灣鳳山學海外諸生傾心嚮慕

漳州府志

卷之四十一

人物六

三

四百〇四

稱人師秩滿陞浙江分水縣先聲不急仕進而部催峻
切遂往蒞任後凡有張弛一視民心所嚮背行之上下
相安庚寅克同考官所得多名下士旋解組歸貧不能
具裝抵里四壁蕭然

論曰

國家昇平百四十餘年矣休養生息惟賴有地治之官父
母而師保之觀西京循良吏多盛于武宣之世亦其
時爲之也陳大來吳維圻等皆聞龔黃卓魯之風而
興起者遭逢盛世脩周官本俗保息之治以安萬民
聚百物諸君子能助流政教留遺愛于斯民可不謂

邦家之基社稷之衛乎

李孚祉

廷琳

國祚

葉

任

附柯

求

藍忠

鄭

埏

附郭

銓

董允宗

黃亦曾

蔡汝端

邱未彰

黃

羽

何其芬

陳元麟

阮道泰

王瑞麟

洪瓊光

余士前

陳茂椿

李孚祉字受公明慶遠推官京元之次子也幼警敏長聰

慧過人經書接目成誦年十八補博士弟子員時值鼎

革京元鍵戶不出孚祉欲成父志無意求名偶遇賓興

必促之乃行順治十一年海寇入漳郡肆掠村落索金

帛乃以刃刳京元于寢孚祉奮身前衛傷臂抱父不捨

漳州府志

卷之四十一

人物六

古

三百九十五

庶母黃氏爭前護翼推使退弗肯從俄而胸背俱劍血

暈仆于地賊憐之散去父獲免然自是卧瘡經年屢瀕

于死當道聞其名求一見卒堅辭子廷琳字雍石六歲

喪母哀毀若成人事繼母如母愛弟之子如己子歲饑

卒糶施粥義聞著鄉國生平力學而坎壈老且病尚應

科舉雍正壬子子姪國祚舉于鄉喜曰吾不恨矣國祚字

子安博極群書少時即見器於蔡宗伯世遠乾隆丙辰

成進士未及謁選而卒性恬淡好學既成進士猶肄業

芝山日與文士角藝不倦家居以詩酒自娛長於制舉

業尤工聲律著有覆篋尋秋等集若干卷

葉任長泰野人也與林傑同里戊子歲傑從山寇爲亂掠任父殺之後傑歸耕嶺上任以墾田爲名遇傑於山亭揮鋤砍其頭死自詣獄請罪有司義之寬其獄得不死時有柯求者亦長泰人其兄爲劇賊林掠鴿所殺及掠鴿就撫求荷鋤伏道左斃其不意斷仇頭首官當事者竟以撫賊爲竟坐求擅殺棄市君子謂葉任爲孝子柯求爲悌弟

藍忠字宜侯漳浦人家萬山中故多虎患歲甲子有虎夜負劊跳梁觸村中屋宜侯之叔裕喊之虎發屋斃裕父元章聞其弟之有虎患也更大喊虎復發宜侯屋元章

漳州府志

卷之四十一

人物六

七

四百二十一

仆地宜侯提長刀鬪虎妻卓氏攜杵從之宜侯舉刀中其咽刃入腹中急不得拔時惶遽慮無以搏虎卓氏呼曰斧乃取斧擊之虎遂斃然元章死矣衆以宜侯不避虎爲孝將白於官宜侯辭曰忠獲罪于天使父叔驟罹禍以沒忠死無及也忠敢以災爲幸衆乃止

鄭埏龍溪人生三歲而孤稍長樵蕪養母年十九未嘗識郡市也每讀父書淚泫泫下或勸之就試笑所號爲顯榮者是司馬季主之所羞耳母誠之曰勿輕言世事吾僅有一子不願汝旦夕去左右也適母病劇埏念所居僻遠醫師卒難致乃夜禱於天割股進之母病果愈族

黨以爲孝呼之曰鄭孝子時有郭銓者亦龍溪人其
月餘割左股熟以進母獲愈邑人陳常夏聞而嘆曰割
股非孝也戾於經矣然意可矜也勒石于馬岐道左誌
之

董允宗長泰人五世同居男女老稚百餘人合食無間言
歷任有司咸旌其廬免其徭役或問之曰君家何以雍
睦允宗對曰昔唐張公藝以百忍治家我則異是我倣
古人主伯亞旅之法以祖父爲大長伯叔父次之兄弟
次之子姪孫次之區土田程農工耕則任之少壯登則
上之祖父計口量食餘則貯之每飯爲三等之席以尊

漳州府志

卷之四十一

人物六

夫

三百八五

卑爲序食畢婦女亦如之麻絲紡績各婦分治之成則
度身授衣晝作夕省不令嬉遊能治書者能從公務者
不煩以胼胝如身使臂臂使指不勞而治君子以董氏
爲善於家政

黃亦曾南靖人幼有至性事父母承順無違康熙十四年
海氛惡甚父陷賊巢舉家皇遽不知所出亦曾年十五
將身赴請代或止之曰吾往而得請則父存子死無恨
也不然有從父地下耳卽冒鋒鏑往賊義而釋之雍正

三年

詔旌其孝亦曾生平廉正不妄取予以考職授經歷

蔡汝端漳浦人少喪父有母與兄世居白石鄉鄉濱海是時海上勞擾居民悉遷徙內地汝端方五歲母挈之行兄在後中途猝遇賊與兄相失旋復失母伶仃寄食辛苦萬狀比長亂定拮据治生稍自立因歸立家室娶婦入門對食輒灑涕婦怪而問故汝端放聲哭曰吾天地之鮮民也吾襁褓而吾父歿五歲遭亂失母與兄今幸有室顧安所得母乎因相與晨夕祝天願得見母居久之閩人有賈江西者遇老嫗能漳語詢其家爲漳浦蔡氏歸遇漳人輒述之汝端卽日戒行告妻子曰不得母吾不返矣糧絕乞於道抵新喻嫗果有南音者次第詢

漳州府志

卷之四十一

人物六

七

四百五十五

之信乃跪而哭曰吾母也相持大慟已復作投懷狀觀者皆嘆息泣下曰孝哉是子天賜汝母也母時年七十餘矣負以歸率諸孫奉食飲愉愉怡怡焉蓋至是始知有母之樂也里中有稱其孝者率復歎歎嗚咽以不得見其兄爲恨

邱永彰字光和龍溪人明孝子子能裔孫也至性純篤自能勝衣時未嘗爲父母呵怒年十七喪父貧無以葬以哀籲天一日于野取筭供母闕地得白蠟乃克葬每風雨輒奔赴墓下號泣聲嗚嗚然事母力致甘脆不使知其勞有命之應唯進退齊且愉也母歿與妻蔡氏昇以

塋躬負土成墳焉先是永彰有兄未室歿其子推之戚屬亦
家入稍裕爲兄立嗣娶婦分田宅如已子推之戚屬亦
然貧不能成喪者賻之無後者繼之孤子寡婦各有資
蓋少困於貧故稍有贏餘必欲分以及人而後快于心
非以爲名也性冲和不與物競與子言孝與弟言悌里
有爭訟微言解之終其身不及公庭雍正五年

詔旌表

黃羽字儀伯平和人少孤性至孝侍母疾衣不解帶湯藥
必躬親母見其有戚容強慰之曰余病且瘳矣母自苦
也時四方雲擾寇亂相仍閉戶不離膝下無何得病病

漳州府志

卷之四十一

人物六

六

三頁十九

且篤悲不自勝顧妻子曰吾不能事母抱恨罔極汝能
體吾志善事吾母吾死瞑目矣羽爲都督僉事翼之四
弟康熙乙卯寇陷漳城翼家四十八口殉難忠孝萃一
門異哉

何其芬字苾卿龍溪人康熙丁卯鄉薦兄應祥爲海賊所
繫其芬挺身請代賊義而釋之兄弟析箸自取產之磽
瘠者歲饑施粥多所全活邑有興築傾已資助之官終
沙縣教諭祀鄉賢

陳元麟字石民海澄人父病瞽少小隨侍左右扶掖升降
出入無一日離膝下康熙己卯登賢書時元麟文名噪

甚僉謂試春官且聲蜚天祿顧以奉親故不忍上公車
構一齋曰洗竹承歡數十年如一日父目復明人謂元
麟子孝故天憐汝元麟更惻然侍奉維謹雍正三年謁
選得益都引見

親勞之曰汝陳元麟耶聞汝爲孝子老成端方果不與衆
偶江西撫臣視其才果擾殊擢之勿以次抵任三年廉
介自持邑有富室某罹重罪以千金求脫元麟蹙然曰
吁是墨我也峻拒之卒論如法擢刑部主事越年告歸
教授生徒羔雁之外泊如也著有清漳風俗一書

漳州府志

卷之罕一

人物六

五

阮道泰字志同漳浦人少穎出孝友異常兒父文負四方
志家居不煖席道泰獨與兄奉母母性嚴出入必告有
譴必長跪竟日兄道宏前母出也道泰無大小事悉聽
命于兄有問以私殖者不應嘗曰兄弟合食而私異財
物畛域如行路遮蔽似穿窬吾恥之交遊多父執處師
友間情誼尤摯爲人端雅淵靜嗜學過夜分不寐母禁
之不能止父歿訃聞號痛幾絕自是益勤苦肆力于經
史爲文章綽有聲譽戊戌秋大風雨壞室廬且半父及
前母俱未葬道泰冒雨撫柩哀號竟日遂以得病病革
命兩奴掖以拜母母急持之道泰拜不能起捨地泣曰

兒不孝不能長侍膝下乞以青布衫一襲爲歛勿用
帛重兒罪也浦人聞者皆爲流涕妻陳氏以苦節著
王麟瑞天石南靖縣人八歲喪母哀毀如成人事繼母如
所生繼母嘗指以語人曰世言繼母多虐前子但不得
如吾麟瑞耳父歿哀痛廬于墓歷祥禫無異初喪里人
劉陞將娶婦拮据得數鍰忽遺失索之弗得情甚急麟
瑞曰果若物耶吾獲之弗敢匿也卽歸之雍正元年舉
孝廉引見

上親問之曰若何孝麟瑞曰臣何敢言孝止父母愛子之心
無所不至耳

漳州府志

卷之四

人物六

三

悅顧語左右是真孝者授永平府未幾擢戶曹轉四川道
監察御史撫然曰吾一介書生驟官清要宜竭力圖報
稱顧高堂白髮如甘旨何遂乞歸母歿哀毀逾度越年
卒弟麟祥亦以孝友稱著有易參彙言

洪瓊光漳浦人年十五而父歿未幾兄繼殞弟妹幼母寡
每父兄生辰忌日及春秋伏臘令節母輒意色慘沮攜
子女涕泣過旬不能平瓊光多方慰節之或巧變爲歡
樂母懷爲之寬母多病病間作瓊光謹調湯藥時而進
之嫂與妻請代弗許欲助之亦弗許曰汝未達恐失其
宜耳如是者率以爲常父之兄子曰玉涵從兄也孤苦

依于母母視若已出瓊光亦奉之如同產爲置室弟妹
長拊擋完婚娶各以期一室之中姊姊三人無反唇兄
弟俱抱子尚依依不忍分析衣食悉仰瓊光瓊光貧賣
藥資生計用其藥者輒效僉曰天憐瓊光乃以靈物賜
瓊光也雍正八年

詔旌其閭祀孝友祠

余士前字庸然龍溪人父錫彰賈西洋望加錫娶婦生三
子長十一歲次九歲又次七歲而錫彰歿士前有兄多
疾病家務皆士前肩之及父歿信至士前哀慟拜辭母
兄越重洋奔父喪時乏資未能以柩歸就其地暫殯之

漳州府志

卷之罕一

人物六

三

而携三幼弟北還海中有萬里長沙西洋絕險處也船
回遇颶風飄至其島衝石破碎船中人數百胥溺焉士
前手挽三幼弟扳緣匍匐上海嶼僅存十七人裸身相
吊仰面四望但見冥途長天環覆巨浸而已有挿一斧
留于腰間者拾泊崖斷竹削之磨斲得火嶼上巨鳥成
羣張口欲吞人共搏斃之水淺處多巨蚶可數人舁乃
煽竹火炮二物之肉以充腹渴極羣呼天忽大雨如注
舁巨蚶殼承雨水以救渴在嶼中歷九日夜計不得活
合力殺藤撈壞板作槎裏鳥肉貯水于筒乘槎縱所之
士前三幼弟在斷嶼猶時自嬉遊及在槎呱呱泣浮沉

萬頃狂瀾中又九日夜同槎死者二人餘亦瞪瞪待盡
忽望巨舶從西來解破衣爲招大呼救巨舶倏忽近衝
壓槎槎沉復出船上人放下木棚衆急扳登士前忙提
三幼弟入棚挽上船獨自留後槎忽解船上急擲繩繩
滑墜衆復擲一繩唱曰急努力盡此一舉矣士前兩手
扳繩以口咬之卒得上幸無恙隨船到福州携負三弟
乞食歸入門母子相抱哭鄰里環觀盡爲泣下後家人
稍羸乃命其弟買舟往望如錫載父柩歸葬兄弟同居
四十年各有兒孫伯兄先喪所遺男女士前撫之如已
出晚年食指繁乃所以積貲產均分之友愛終身無間

漳州府志

卷之四

人物六

三

言

貢生陳茂椿龍溪二十九都人祖明節性孝友有三子長
志超次銓次自南志超茂椿父也康熙甲寅閩亂豪猾
多設機陷阱良民明節被誣繫獄志超年方童稚奔訴
之官寃卒白丁巳海氛益熾挈家逃難猝遇賊于路欲
殺明節志超哀號乞代賊感而釋之亂平兄弟同居勸
二弟力學而身任家計一錢尺帛不入私室述祖父志
事著家訓十二條家規十八則家庭雍雍無間言及茂
椿長承兩世重大理家政時同祖兄弟十四人子姓繁
衍食指幾三千共鼎而食或讀或耕或遠服賈分以贍

而任之事茂椿綜其成每月朔望及祀先之日行禮畢
茂椿親請規訓反覆敦切長幼男女序立悚然而聽之
書古來孝子悌弟貞女節婦行事及里居族民粘壁上
使幼子童孫耳濡目染入其家幼者知敬長者知愛內
外井井茂椿之教也茂椿博學多聞然敦本行一出于
真誠其姊患乳癰家相距二里許日往反數次爲治藥
不厭諸弟有病痞塊者一痛連數日夜塾師館于其家
偶夜起聞茂椿在床前疊疊談古今逸事或強作諧笑
語以舒病者痛嘆曰煮粥炙艾昔聞其事今見其人矣
其律身甚嚴動必以禮爲家人率先年踰七十尚不自

漳州府志

卷之四十一

人物六

三

暇逸戒子弟曰余祖父家傳全在小心兩字所以爲十
二條十八則之本也汝曹敬守之乾隆十七年漳觀察
使單德下下車旌其門十八年巡撫陳宏謀疏奏茂椿
六世同居奉

上日給銀建坊入孝弟祠乾隆乙酉年卒年八十有五長子士
偉勤學篤行鄉薦時年已四十猶從師受經事親孝遭
母喪盡哀邁篤疾遂卒

論曰卑矣哉蔚宗范氏之識也以李允繆彤之友弟
而列之獨行傳中夫孝友乃本行非獨行也顧自范
氏上溯班氏司馬氏所作列傳未嘗標孝友之名何

歟去古未遠庸德庸行所在多有不一二數也末世
天性涼薄士大夫能以本行自勵者鮮矣况民庶乎
今錄李孚祉王亦曾諸人以風斯世其中如蔡汝瑞
阮道泰之孝余前士之友觀乎此者未有不雪涕也
夫其一往而深不可強而效即謂之天生使獨也亦
可

胡然 楊濤 徐登甲 莊士元

登豐

吳開業 元瑞 黃金鐘

宏達

尚錦

天瑞

宏遇

楊國正

日煥

陳杓

劉鼎鉉 康天墀

偉然

江觀 詹恒

漳州府志

卷之四十一

人物六

十四

王新捷 曾世英 汪洋

胡然字非叔龍溪人少貧力學康熙庚午舉于鄉清脩自
好耻干謁有司家居敦摯誠恪與人居終日油油不忍
去授建陽學博卒于家

楊濤字大水少喪父奉母以孝聞母歿執喪泣血三年里
中人羣曰輟社王脩殆不是過也性耿介不作世俗趨
媚容與人交敦懇朴實尤謹于操守弗妄取嘗司族事
掌貲財出入濤曰公費也既登諸籍裹藏之雖妻子不
能知比取用或數十年前所裹紙已朽而封識尚宛然
長于文學工草書教授生徒評經論史必窮極蘊奧曲

盡其致以選貢登康熙丙子舉人有同姓藉勢作好事
露詭稱濤子以求脫禍且及身一邑人咸驚愕論救謂
濤止一子家居不出戶頗聞于官及庭鞠令隸僞服濤
衣冠以進使識認其人牽隸裾而哭曰父救我遂得白
然濤竟以是憂憤死長泰人至今稱直孝廉必推濤
徐登甲字仲升南靖人康熙丙戌進士授福山令七年陞
署海州值西陲用兵馬牛車輦不苛氏于民而事畢集
大吏稱之曰能入爲吏部主事致仕歸宦橐蕭然掌教
郡城之丹霞書院諸生執經請業者踵相接也年八十
有一卒登甲高祖曰登遠當明正德間歲飢出粟八千

漳州府志

卷之四

人物六

三五

石以賑官爲建坊旌義官登甲之物海州也州遭水旱
流亡遍野惻然曰民急矣古良吏大興工作以備錢當
賑貸其法可師也請于上官出帑金三千餘兩築州城
令民以工受直困少舒復發倉粟六千石贍諸羸老遂
無有殍者君子謂登甲於是乎繩祖

莊士元字殿颺漳浦連江人也後移居郡城生平不苟言
笑讀書過目成誦康熙甲午登賢書戊戌成進士未第
時有奸人以事陷其伯兄于獄破產以賂猶不免士元
乃盡斥已田千餘金助之事得釋家由是貧處之恬然
也雍正丙午任北直涑水令涑地民貧悉心撫字民感

其德署前有集官榷地稅銀五百餘兩又酒禁例于秋
熟時歛金二百兩歲以爲常下令斥除之弛其禁民間
子弟秀者於簿書之暇召而教之鼓舞備至初抵任應
童子試不滿百以後日漸多文風漸進解組時民賦未
徵者爲稱貸完課至三百餘兩新令至欲爲追還士元
戚然止之曰吾不忍病吾民也歸田後杜門罕出教授
生徒天性忠厚平居未嘗言人過失子登豐字子英亦
篤于至性砥礪廉隅清操拔俗士林莫不重之丙子領
鄉薦年五十一卒

吳開業字和仲龍溪人四歲喪母父教以讀書知感奮弱

漳州府志

卷之四十一

人物六

三

冠父又喪益刻苦自勵思有以表見于時康熙辛卯舉
于鄉又十四年雍正甲辰成進士授福州教授課士有
方調臺灣三載秩滿巡察御史單德謨稱曰能陞祁門
知縣悃悃無華愛民禮士恂恂然追古循良吏未幾致
仕歸家居二十載廉隅彌飭學者宗之郡邑有興造有
司恒就開業及王司虞材二人謀焉開業年較高率身
先紳士不辭况瘁掌教芝山勤訓迺歷五載遊其門者
咸有立年九十卒都人士以老成凋謝爲恨蓋傷醇懿
之未易數數覲也子元瑞字謙字丙子舉人有至性庚
辰上公車都中間父訃八千里奔喪哀毀遂病瘵至家

益劇竟不起年五十七

黃金鐘字湘玉龍溪人好爲德于鄉鄉人稱之官杭州府
丞司權事除常規禁私索著廉惠聲有子九人長宏達
字希上以歲貢授建陽訓導卒于官弱冠能文與蔡宗
伯世遠會文東江試輒冠其曹獨困于舉場不遇顧未
嘗有愠色也金鐘旣筮仕家政悉委宏達宏達爲家督
公溥慈恕內外數十口無間疑性坦易接人和藹而馭
家嚴肅有法度于所居里隔河建堡築樓或唾之日昇
平安用此宏達笑曰否否吾將立家塾焉歲聘名宿聚
族子弟之秀者講學論文于樓中扁其堡心專志壹故

漳州府志

卷之四

人物六

三

其家羣從諸少率英華雋發負一時文譽漳人士莫不
知有湘橋黃氏者宏達涵育成就之功也郡邑有巨役
及捐賑諸務僉曰須待宏達宏達有請必至至則率先
注籍無少吝次尚錦副貢生任松溪教諭以造士稱宏
遇宦廣西州同知力于職事天瑞雍正癸丑進士授刑
部主事嶷嶷卓立讞獄多所平反逾年卒于京師人咸
惜之

楊國正字珍山長泰人封御史核之十四孫也性至孝父
以非罪繫郡獄郡距所居七十餘里餽問乏介從兄善
長代之餽中途爲仇所害國正乃與母匍行納橐餼月

三至訴于郡守獲宥迨父歿爲蒙師以資母養康熙戊午海寇陷城母遇賊于巷賊刃下國正以身翼之哀籲乃免俄聞從弟被賊擄躡其後突入賊宮觸酋怒將殺之呼曰天乎吾尋從弟而自隕其軀奈母何賊憐之與弟俱釋比食廩名益顯泣謂母曰從兄爲吾父亡于仇叔父老且貧無以贍家胥兒責也卽爲叔父立嗣代叔父有孫授室分產一如已子營葬五代墳建始祖廟皆孝心所推也以選貢銓教職年七十八終子日煥日煥字東暘力學好古尤湛河洛之旨爲掌教禁浮僞崇真實邑令每下車慕其學行必造家敦請遊其門者率

漳州府志

卷之四十一

人物六

三十八

蒸蒸鼓舞年踰艾逮事父母授徒講課少暇輒趣漆下爲孺子慕與幼弟分產自受磽瘠者處友朋夷險弗競人望歸之乾隆癸酉挨貢成均兩世學博數奇僉謂屈久必大伸長子新基今登甲子科舉人任四川納谿知縣

陳杓字仲衡漳浦蓬山人性精敏沉靜讀書寓目成誦學古文辭旣成體藏之篋衍不輕示人銓部林紹祖見之心喜遂妻以女自是沉浸經史所造愈深年十二遊庠旋食餼登鄉薦乾隆元年成進士人謂必入館諸先達樂爲汲引杓退然耻干謁遂南歸益講求爲明

之學于吏治民瘼靡不究宣平居尊祖敬宗定祭儀置
祀田至于葬救賙賓具有古人遺意鄉有公事不避難
慮事必濟與人交重然諾而襟次悠然花晨月夕良平
素交杯酒論文相好無間行已端嚴未嘗以片刺干有
司至于桑梓利病則侃侃直陳不爲囁嚅之態邑令長
庚匾其堂曰邑慕典型蓋實紀云

劉鼎鉞字躬振長泰人祖應奎天啟辛酉舉人任晉江教
諭好古著歷代史綜父毓獬邑增生鼎鉞生而遭亂多
艱虞嫡母亡生母又亡事繼母庶母如母父席世資家
中落鼎鉞質貸日餽甘旨時采山漁水進鮮物以爲娛

漳州府志

卷之四十一

人物六

五

不欲又知其拮据之難也父歿辛苦餬諸幼弟娶沈孺
人入室鼎鉞年已近四十矣孺人工女事于是以餘田
畀仲叔二弟使耕餬其口而自携幼弟遷郡城用資孺
人縫紉以所獲錢易薪米如是者數年而仲弟亡已乃
爲叔弟季弟娶婦季弟又亡復爲之立繼葬自身已上
五世祖妣之柩五又葬旁親及姑姊適人無主者凡數
柩其葬生母也形家曰吉女兄請以父柩合葬鼎鉞曰
有君母之殯在乃爲父卜吉而以君母祔其動必依于
禮如此卒年六十有二子登芳孫三人希周甲戌進士
任郟江令希孟壬申舉人

康天墀字步丹龍溪人祖孟侯順治辛丑進士官
州牧有惠政父卓然由歲貢歷教諭終京衛武學
好培士類天墀繼之性謙謹卽童稚亦與爲揖讓
倨貢于成均乾隆丙辰出北闈聞其師戴侯焯歿趨哭
爲經紀後事爲位館中朝夕奠聲嗚嗚然振邸舍不自
知其哀之過也登辛丑科授泰寧教諭除福寧教授晨
輒躬詣大成殿焚香灑掃丁祭備物必蠲潔盡誠浚
泮池改建五王祠率捐俸以倡課多士講論文藝終日
不倦卒于官天墀心厚于仁偶見暴骸則以衣衿裹而
瘞之九上長安于所瘞處悉躬赴封植不以委人人尤

漳州府志

卷之四

人物六

三

以爲難 族人偉然字臞仙以恩貢授羅源教諭除興
化教授首揭朱子白鹿洞規條以誘進諸生娓娓不倦
年老告歸卒于家遺命不用浮屠學者稱中江先生
江觀字賓之其先海澄人也父文煥性行篤實以醫術濟
人所得錢遇貧病者輒周焉或勸置產曰吾田在心將
留爲子孫耕耳觀生而天質醇懿端重若成人稍長讀
書卽有志於聖賢之學嘗自題齋壁曰通天地人之謂
儒其自命如此爲諸生時文名藉甚屢困棘圍人或爲
扼腕而觀讀書自得不容有司也乾隆癸酉以五經
鄉榜甲戌成進士翩然南歸益潛研古人道德

守貴陽蔣公採輿望延爲丹霞山長教人立身行己之
歸于正勤工課比家塾教授尤諄諄焉漳士遊其門者
皆有所成就至性過人晨夕瞻戀庭幃依依若孺子脩
脯所入以資奉養及弟妹婚嫁之費有異母弟放浪虧
負親朋財物觀默袖金代還一至再其弟卒感悟爲善
乙酉觀赴部選途中得病至邸知交爭迎問從容叙其
家鄉情緒相慰藉俄頃脫然而逝士大夫皆痛惜相語
曰吾鄉少一善人矣

詹恒字敬持長泰人九歲失恃孝于繼母父成章晚有足
疾手扶持不稍懈家貧日營甘旨爲養而饗殮常不給

漳州府志

卷之四十一

人物六

三

四百十五

性清介不苟取不妄交與黃寬交稱合志以節概相尚
而和氣可挹友人臨沒以孤子托爲之教督有立妻之
兄弟寡甚時周恤衣食且竭力完其婚娶乾隆庚午舉
于鄉年六十五卒一室蕭然惟卷籍疊盈箱案而已好
古文詞尤嫻吟咏聲調清越著有四香堂詩稿

王新捷長泰人附貢生性敦厚好施值歲暮必分升斗以
周當厄者大稔空其困若貸若賑不足則以餘貲繼之
有林某者積逋賬累累鬻其子稍償所借新捷驟聞之
驚出涕亟還之令贖回後某僅以此子延一綫之祀男
起玉邑諸生能繼父志鄉人有爭訟者釋以片言

醫有請必赴貧者并予之藥課子孫以文學兼習醫藥所救命甚衆人謂王氏世有隱德云

曾世英平和人性孝友兄弟五人世英行三父嘗思蜜棗世英一晝夜到雲霄往來三百餘里以進居喪讀禮三年無見齒兄弟相繼歿門以內孤寡纍纍皆世英一人撫養成立行于路遇險阻輒割平烏石山有斷腸草常害人冬取火焚滅之以絕根株其平生篤行稱是

汪洋字次成詔安人少孤事母母病祝天願以身代母歿哀毀骨立衰衽百結未嘗一進房幃旣葬廬于墓後改葬仍哭奠哀聲不忍聞事師林維章如事父師歿撫其

漳州府志

卷之四十一

人物六

三

三百八十八

孤孫如子有坊客寄白金五十兩歲久不來訪求其子還之有司薦舉賢良方正以明經選松溪訓導未任卒于家

論曰胡然徐登甲莊士元諸人履素抱醇不爲蘄絕之行平居恂恂若無以異于人者然處則爲質直好義之儒出則爲悃悃無華之吏視虛夸眩耀外若可觀而中不可測孰優孰絀必有辨之者矣諺曰桃李不言下自成蹊其篤行君子之謂歟

李耀宗

王耀文

李一龍

陳未得

林員明

孫淵光

廷楷

沈榮爵

熙陽

林域

編 許良彬 黃士磊 震陽 葉逢春
蓮 封侯 晃章 顯 景章

陳良計 郭居鼎 游道政 陳 會 沈東陽
林源渭 林仲選

李耀宗龍溪福河人家豐于財順治壬辰海寇困漳郡凡
六月闔城餓死幾盡

王師既至圍解耀宗乃傾家財募僧聞曉收遺骨得七十
三萬作五大墳瘞之南關外建萬善寺布政周亮工義
之為立碑大書其事乃旌之日一郡善士而耀宗家遂

貧同其事者有王耀門李一龍陳永得林員明四人

漳州府志 卷之四 人物六

三

孫淵光字陸陶詔安人年十六補弟子員為人貌寬和而
有智畧外舅乏嗣有螟蛉子不之愛令別居以家業托
淵光外舅歿淵光召其子悉還之康熙甲辰閩遷民內
地避寇歲凶無所得食有健卒掠買難民婦女數十驅
以北淵光聞哭聲憐之度武人不可勸以義乃募諸悍
少年告之故且激之曰若素所豪皆暴橫能解此厄真
丈夫耳諾少年皆曰諾雞初鳴伏外郊伺健卒過爭挺
擊之健卒鼠竄亡命乃謂諸婦女曰若毋怖吾非賊也
承孫君意耳汝急逸去世少有知者淵光之老也為壽
寧訓導能其職後丁艱抵家養益遠鄉人慕焉子廷楷

字幼裴年十六亦補弟子員己丑成進士任雲和令民戴其德三分校鄉闈所拔知名士金狀元姓其一也初下車時雲和民不知向學公餘親爲指授文風遂振以母老告歸侍養閉戶守恬不輕投一刺所得祿糈分給族戚無吝容其輕財嗜義有父風

沈榮爵字伯脩南靖諸生順治壬辰乙未間海寇張甚山寇亦竊發西溪道梗帥弗能靖榮爵主鄉約與父老訂爲聯絡之法三家出一壯丁十丁一隊隊一伙兵無事則耕有事則戰一鄉遇盜則諸鄉要其歸路鄉有爲寇謀者聽父兄舉首則擒而沉之水一時巨盜戴鵬吳亨

漳州府志

卷之四

人物六

三十四

等俱殲焉西溪安堵丁巳白頭賊擾漳制府姚啟聖檄再主鄉約鮮有犯者遠近避亂者多依之兄子熙陽亦縣諸生學歷法曉奇門榮爵保護鄉閭左右之者熙陽也

林域字肇方龍溪人好行善事嘗築石路修南門新橋以便行人雍正丙午漳大飢捐米賑急窮乏復置義塚二所鄉人德之遵例任刑部員外郎遷戶部郎中監寶泉局告歸卒孫編字受一克繩祖武郡邑諸興築巨役悉獨肩其任而文雅詞翰尤爲士林所許可亦以例授員外郎銜未仕卒于家

良彬字質鄉海澄人少誠實與人無競長從族父提督
正于軍門因究心韜略對知交慷慨談謂大丈夫當策
名清時圖形麟閣上卽不然亦當乘宗慤長風破浪萬
里安能鬱鬱老宇下哉居無何正將遣人適外國而諸
子憚行良彬請往由是海中島澳風潮夷險順逆皆瞭
然賈粵東與南洋人互市市約期而歸且過三期則
否不爲負洋人與良彬貿易成賈而返會其國有變逾
五載乃來良彬悉封識其直計數以償且予息商八歸
告其酋酋曰能若是乎令諸夷悉赴良彬商遂雄于財
當是時臺灣餘孽潛逸內地提軍姚堂廉其才聘爲總

漳州府志

卷之四十一

人物六

三

四百三十三

統緝獲奸人鍾朝等因疏薦之藍廷珍繼任加器重適
入 覲卽奏列良彬熟悉海疆信孚異域可大用朱相
國軾蔡宗伯世遠復共推轂引 見

悅其材以知州需次改叅將不五年竟代廷珍帥廈門良
彬正己率屬輯和軍民在職十年未嘗以喜怒行黜陟
卒于官賜諡壯毅初良彬族孱屢受侮于隣右巨姓良
彬旣貴族人修舊怨焉適過里門隣右訴之遽自往謝
一族皆譁良彬曰君子不欲多上人恃貴以凌貴可久
乎吾懼弗堪也乃俱愧服良彬無軍功驟躡大位鄉黨
罔或佞者以謙恭故也子師義亦以謹飭和厚稱

黃士磊龍溪人明季寇亂築堡石鼓山以衛鄉人海寇劉黑龍來犯士磊率鄉勇殲其徒黨嗣後賊望其堡輒氣奪順治十二年捐豆四百石助餉當道欲官之辭不就子震陽孝事繼母從仇滄柱學購書數千卷載以歸不求利祿篤志修行鄉里化之

葉逢春字心一海澄三都人隱德實行孚里黨海寇起相戒勿擾其鄉寇擄人徵餉稍拂意輒殺之嘗有二十四人漁于海為寇所擄詰知為心一鄉人遣二人挈舟還留餘人為質曰能延心一來則俱免若輩二人告急或免之曰茲行恐不測心一撫然曰吾一行而全二十四

漳州府志

卷之四十一

人物六

三

四百三

人即不測亦曾往徑赴賊舟其酋盛服倚舷而近曰受德久不酬欲藉此一會耳初心一嘗餞客於嵩巖遙見一丈夫當筵立遣人邀之飲極懽而去即曾也曾厚出金帛心一概不受以二十四人還子蓮字昇玉一字實圖凡所為必求慊於心隣鄉江氏女年十歲掠于軍蓮買於粵東羊城同舍販海得重貲病不起為籍所有固藏之親屬至出其私記與籍合人服其不欺可侯字桐友弱冠為諸生善承實園之志兄弟不忍分自是宗詞置祀田志切濟人嘗築一小樓昏曉登之見

火者餽之米因顏曰望烟樓方就昏澄邑時遇颶風覆他舟冒險以救雖後昏期不顧也中歲遊金陵遇呂氏子於茶肆幼被擄尚能記憶里居乃隣邑同安人也攜以歸復助之娶婦治家有法子弟自少至老無博塞及出入公門之過好讀書不離手積書至二萬餘卷嘗訓子孫曰吾先世植德當有興者果以子廷推貴 贈文林郎子六人能世其家長曰晁章次曰顒曰杲章晁章字又韓少事咕嗶刻厲殊常因客游父友肆中爲所器目任以事嘗檢焚故紙得遺金不以私益倚仗之已驕颿風渡日本貿易日本俗以好女挑客蠹耗其金客多

漳州府志

卷之四十一

人物六

三

四百五

墜術中晁章方妙年輒戒絕惟買名卉數十本載以歸植池館爲父娛父建祠置田盡傾所贏金成其志以子文馥貴 贈中書舍人顒字嗣沐少負才資好文術游湖海爲賢士大夫推重南靖莊復齋亨陽北平黃玉圃叔璫俱以名德爲監司淮揚相見握手甚歡性慈愛女兄適辛氏寡爲立嗣授室又寡復嗣焉兩世相依不忍離居吳中有相識爲官將罷去夜叩門曰盡今夕貸我金四百則官可無罷老母妻子可獲全亟借貸如數予之耕牛病家人以市于人嘆曰壯用其力老則棄之吾弗忍也令贖還杲章字紹期造橋建亭便行人來往海

中有圭嶷貧人日拾螺蛤爲生鄉豪籠爲已物臬章邀衆聞之官判歸公遠近咸資其利自心一至臬章兄弟皇皇爲善凡四世如一身可謂善繼

陳良計字智字平和人居大峯山之麓不求仕進以好施聞於州里鄉有旱田數百頃衆謀築陂興水利良計自割腴田予衆開渠濬畎資灌溉國初遷移流民載道良計捐資不少靳有董姓士人攜眷求資如數予之踉蹌去忽遺失合家悲泣欲投厓同行者止之勸再求良計士人慚不能前同行者強之曰陳公善人也吾與若偕往旣至道故良計復如數予之無吝色士人感歎而去時

漳州府志

卷之四十一

人物六

三

四百十八

值兵荒死者相枕籍施棺塋埋歲以百計縣官嘉其德以禮賓之鄉人莫敢齒

郭居鼎字彙侯海澄人幼失父母遭亂與兄居昌相失跋涉追尋遇諸顛挈其眷以歸分產共之至老怡怡不少衰嘗周覽海濱見海岨橫決十數里淹田廬惻然者久之因捐資修築邑東五都有渡曰浮雲宮爲舟子者皆豪暴健卒妄需索行人少不如意則凌轢隨之邑令陳世儀聞之乘婦人輿攜小僕以往果爲所虐執而懇其帥治如法居鼎告其兄曰害去矣人未便也相與置舟二互來往復割腴田以贍篙師爲久長計漳郡新橋地

謀修築僉曰必郭鼂侯居鼎亦不讓或語兩旁之石闕
遂翼之如其橋之長鼎雄于財思爲德于鄉雖以貲爲
郎好儒術都人士交口稱其賢子元龍字乾父好義有
父風

游道政平和清寧里人生平樂善好施族有不能婚葬者
助之無吝色推之故知亦然有謝族逋賦累累追比甚
艱道政爲代納復爲之均斂戶籍先後完課歲有定規
謝族自是免逋賦之苦里有亡賴者非意相侵侮笑而
遣之不與爭人服其量生五子課督力學皆有聞

陳會詔安人性孝友好施子守仁亦體父志詔安南通百

漳州府志

卷之四

人物六

三九

粵海潮與溪流相入人苦病涉守仁倡遠近居民捐金
鳩工代石爲橋同事者見費多輒引去守仁出私橐成
之雍正五年歲大飢斗米價值數百守仁勸分出贏三
閱月里無餓孍嘗陰雨獨行聞鬼哭聲見古塚壘壘多
傾陷惻然築土封之人推隱德云

沈東陽詔安三都人性喜救災當丁未大飢疾氣盛行買
棺收骸如弗及同時有林源渭者作粥置衢路與餓者
食之百千蜂聚勢不能給渭源鬻田繼之仍不足假貸
以充之又不足乃謀飲助計施粥六十日活人不可勝
計襄其事者林中選與有力焉皆一邑之義民也

論曰世謂行義之士其流爲俠非也俠以義鎮人不
必皆合於義義行之士則見義而動緩急足賴者也
唐韓愈稱孔戡嗜義如慾遇祿利則退怯如懦夫然
若李耀宗孫淵光諸人近之矣

九翰林合傳

國朝漳進士入詞館者首唐宗丞朝彞別有傳繼宗丞入
詞館者曰葉先登繼先登入詞館者曰吳一蜚繼一蜚
入詞館者曰蔡文勤世遠自有傳繼文勤入詞館者曰
蔡衍誥繼衍誥入詞館者曰李實蕡繼實蕡入詞館者
曰張先躋繼先躋入詞館者曰賴翰顒繼翰顒入詞館

漳州府志

卷之四

人物六

四

者今尚書蔡新繼尚書入詞館者曰蔡雲從繼雲從入
詞館者曰蔡桂繼桂入詞館者曰莊元

葉先登字岸伯長泰人順治壬辰成進士改庶常授翰林
院檢討當是時天下初定選詞臣有才望者出爲監司
先登名在選中擢西涼道轉冀南道備兵兼掌軍政考
成有偏裨爲撫軍所啣授意注下下考先登不從因他
故左遷青州通判專司捕務先登多所糾發奸宄遠跡
人稱曰青天二載解官歸先登少警敏長博極羣書至
老好學不倦居鄉待族黨有恩邑人于今猶稱之卒年
九十

吳一蜚字漢章亦長泰人康熙壬戌進士少小卽岸然負負銳志向學

國初民避寇居深山閭里少年率擽兵伏習擊刺以爲能一蜚獨挾冊逐樹陰踞石磴諷誦聲琅琅有從而珊笑之者自若也補弟子員自登鄉科成進士選庶常僅十有七月人以爲榮旣授職編修告歸養母與昆弟承歡親側如孺子初一蜚父韜嘗爲軍帥治書幕中適逮繫賊黨多株連力爲解脫保全銅山陸鰲二若良民人皆知其後必昌也已而果然

蔡衍誥字紫泥漳浦人康熙乙未進士第二人選翰林院

漳州府志

卷之四十一

人物六

聖

四百〇八

庶吉士衍誥之生也有異質志遠大不屑屑問家人產精熟五經躬自詮註讀史鑑于歷代興廢因革得失反覆究考登第後自清晨至日晡夜半皆有課坐卧不離一榻中弱冠喪母事父孝謹處兄弟友恭旣入翰林父遣家人攜卷入邸比至已得疾逾月泣然曰吾不及見吾父矣竟不起名公鄉暨同鄉戚友莫不悲其賁志且重爲邦家人才惜也卒年僅三十

李實賁字桃仲弱冠登科再赴禮部試成進士雍正丁未也時館選閣部大臣得各舉所知有欲爲之延譽者實賁唯唯辭謝旣而

朝考官庶常散館受職檢討文章標望一時用薦需次御史聞親疾卽假歸十餘年後始入都予休致歸杜門不出同年單德謨觀察汀漳浹歲實蕢未嘗投一刺適行部漳浦造廬過訪乃得見辛酉歲歎率族人平糶天性敦厚與人交謙恭善下尤好接引後進談道論文娓娓然終日不倦晚喜吟味耽古文辭自謂得眉山之勝年五十八卒于家方實蕢之歸也鄰右豪富出嫚語相詆謔聞者爲不平實蕢曰吾能堪之諸君胡爲忿忿哉人以此服其量

張先躋字愧日雍正庚戌成進士選庶常歸侍養家居二

漳州府志

卷之四十一

人物六

望

四百七十六

十年性恬和無城府有犯者輒不校鄉人稱醇德焉八歲失所怙母寡孀苦特甚故登第逾年卽請急旋里入都未散館又念母告歸同館爭貽書敦趣先躋輒以母老辭年近七十而歿竟先太夫人終焉以爲恨

賴翰顒字孚仲雍正壬子舉人聯登癸丑進士選庶常散館授編修將假歸同館重其才挽留之翰顒曰堂上二親俱篤老南望輒怛怛心不安也請假歸五年而父歿旣塋母趣入都乃行未幾休致歸闋歲而母歿兩遭大故皆在親側無悔人稱天祐焉家居萬山中罕與當道通往來善接引後生詔安書院新成有司隆禮延致士

聞風慶至肄業至百餘人卒年六十九

蔡雲從字亦飛生而聰穎異常兒侍從父宗伯世遠于家塾年最少宗伯教子弟勤于雲從督之尤嚴稔其才之美可激勵以有成也方九歲已能屬文羈貫成童通六經左國史漢八大家家雖貧而豪邁自喜讀書山寺敝衣枵腹遊泉石間歌聲朗朗振林麓爲制義刻意抽思詩賦古文靡不悉心體究父孚遠北試京兆卒雲從聞訃哀毀三年骨立乾隆丙辰舉鄉科第一壬戌成進士選庶常聞母病乞歸萬里趨程僅得視含殮自爲行狀曰父訓承伯叔之書母命傳家人之口可痛也里居集

漳州府志

卷之四

人物六

星

四百五

閩族子弟會文廟中約束鄉里禁博簊生平至性過人篤倫理重然諾自其少時伶仃孤苦詬侮內訐而處之恬然益刻勵滌除豪習一出於正遇事剛果有古人風而意思深長氣宇沉毅衆皆望其大有用于世也服闋入都比閩歲竟邁危疾卒年三十九聞其訃無不悼惜者

蔡漑字視侯六歲喪父甫就學卽知發憤舉動如成人不妄言笑讀書之外劬勞作苦母太夫人寡窶艱親抱甕灌蔬漑同其第今大司馬新昇所汲水從母氏後或歷園圃種薯蕷收荳莢冬行林麓拾隕稗枯枝以爲薪弱

冠爲蒙館師母慮其荒落刻苦自奮乾隆壬戌進士選翰林院庶吉士時弟入直

書房謀迎養母憚北方寒冽弗果行乃請歸侍奉凡十八年未嘗離左右俾弟壹意供職母懷將母憂也丁內艱盡哀禮旣免喪再越月得疾卒年六十四

莊元字步沂以拔貢生入都受知于合河孫文定家淦考入太學名第一宗伯蔡世遠延教子翁雍正壬子舉京兆試任龍巖學官諸生某以枉誣被逮州牧不察將加刑持柬請元元至正色曰士不率教當予夏楚用柎楊是與編民齒何以勵士節州牧不悅元持之益堅事獲

漳州府志

卷之四十一

人物六

四

四百〇七

已後補惠安改調鳳山殫心于所職士氣蒸蒸晚上公車成進士選庶常物望巋然朝端方儼其大杼宿抱未授職得疾卒于京師

論曰翰林于古爲左右史之官職近而地親簪筆稱侍從歷唐宋掌校秘書草制誥備顧問至有明永樂間遂擇其端雅明慎者入內閣贊機務自時厥後碩輔元臣多出其中品秩班資可謂華貴矣然居是選者當如虞永興之詞翰而忠直居裘陸吳郡之文章而貞亮著節方稱是職若元白常揚乃其次也今

天子稽古右文修四庫書曠古典籍于斯極盛冊府縹緲以

大學士領之翰詹亦與焉嘉許詞臣得入清禁讀未
見書海內搯觚挾冊之士聞之莫不色飛眉舞漳為
材藪因考

國朝後先入詞館者合為一傳俾都人士有興焉

林廷耀

鹽

嘉賓

詹明章

鄭

蔡登淵

陳名驕

黃

鄭誠中

林錫齡

葉茂遠

嚴光遠

郭成郭

姚作楫

林長注

陸鍾宏

王秀榮

有嘉

李離明

林廷擢字元功長泰人稟奇姿善思銳入洞達幾微動法

漳州府志

卷之四十一

人物六

四

三百零六

古人年二十補博士弟子員時明季文風靡漫士競以
險僻怪誕為高廷擢愀然曰文魁也國家大劫至矣欲
棄科舉業祖父不之許同儕有相訾警者謂婺不恤其
緯而憂宗周之隕乎丙戌

下師入仙霞關八閩底定當是時祖與父母俱髮皤皤然白

廷擢日與諸昆侍膝下足跡不至市閭者殆四十年康

熙初耿鄭煽亂廷擢率族眾鳩四隣結堡牛山為部署

申約束課耕種一方賴以稍寧廷擢既無意功名或勸

以當風雲之會宜亟自表見咲不答惟兀兀日以著述

為事輯易書春秋周禮四書疏暨明史綱目地理新解

凡百餘卷思欲闡造化之精析古今治亂之要審吾身進退存亡之幾使其書流傳不至殘缺有識者爲之討論未知所造與古人何如也仲子曰敬康熙己卯副榜有孝行其季曰盥字子敬亦湛深經術才思敏妙能詩文康熙辛卯舉于鄉上公車不第恬如也盥季子曰嘉賓性深摯讀書見古人忠孝事輒泫泫淚下躬理家政食指繁不忍析箸待寡嫂孤姪有恩雖以諸生終人咸謂能世其家學云

詹明章字莪士海澄人隱居自樂不求聞達嘗客遊燕趙齊楚秦晉交廣滇黔所至偶與賢士大夫交或時爲當

漳州府志

卷之四十一

人物六

四

四十七

事畫弭亂平邊之策足跡屢遷若藉以晦其肥遯之迹者晚歲始還漳州結廬適張清恪伯行撫閩聘爲山長輯修先儒書魏荔彤守漳郡親式其閭爲築景雲樓月餽以粟明章雖自韜晦於有司交際率裁諸義禮不固拒峻卻以鳴高康熙戊戌景雲樓傾于風雨僦居斗室中日不再食諸孫有饑色過訪者咸爲嗟嘆明章殊蕭然自得也李相國光地假歸遣人道意欲見之以老病辭年九十三卒蔡宗伯世遠表其墓稱曰兼山先生兼山力學著書老而不倦尤精詣河洛之旨未嘗授徒講業而貫穿六經上下諸史以悅研事物之理不肯爲無

用之學又工吟味善書法既而自謂無益輒棄去所著有易義等書凡二十餘種

鄭芳字淡之海澄人敦學行蔡宗伯世遠爲翰林時家居十載常與漳上諸文士相勗爲宋儒反身之學芳獨能契會博觀內考沉浸究研胸中浩浩然若有得也雍正元年

詔舉孝廉當事首以芳應薦病不能赴以死芳能文試輒屈

其曹願自弗善也蒼集朱子前後說作四書解

自集註而外兼

採精義輯略雜學辨延平問答語類諸書附以宗廟郊社明堂井田圖製

參互考證以歸于

一其涵泳本文運衆說而出之尤簡直有體名曰畏義

漳州府志

卷之四十一

人物六

畧

四百三十三

學者便之芳以名在遠近爭延爲師講受諸生皆本心

得以啟發故多所造就云

採二希堂文集

蔡登淵字潛夫龍溪人爲人勤苦刻勵兀坐矮屋中孜孜

焉惟日不足也師事詹明章康熙丁亥張清恪伯行聘

明章輯儒先書潛夫與焉會伯行移撫江蘓邀之行以

父老辭歸

簡勤親王總制閩浙詢漳南積學高隱士

將禮聘登淵亦不應時與知交講論于清泉峭壁之下

蕭然自得未幾卒年六十有八登淵於書無所不窺一

以考亭爲宗愛薛氏胡氏讀書居業二錄謂獨得儒先

正脉玩味未嘗釋手嘗曰持身涉世貴確然特立夫子

繫易乾初九曰不可拔有味哉顏其居曰確齋學者因稱爲確齋先生著有家禮輯略祭禮儀節及自訂經學性理書藏于家

孫芷字芳洲龍溪人至性敦懇父客死于外芷數千里徒步扶櫬歸負郭田數畝悉推予其弟若姪獨以教授爲生未嘗言貧居芝山歲入學租又分賑亡友妻孥久而不倦當是時漳中爲南州之會文士九十三人並魁壘偉奇之彥芷處其間獨恂恂焉退然如不勝衣爲文淵淡而雋末人亦如之一時並推重顧湛滯舉子場終身不遇晚以貢次選授同安訓導雍正庚戌辛亥間故相

漳州府志

卷之四十一

人物六

哭

四百〇五

國趙國麟巡撫閩中加意作興人士芷以名宿聘主鰲峰書院造就益宏芷爲文瞑坐半頃舉筆疾書無所更擴著有仰山文集初應童子試冒汪姓故今學士稱者猶曰汪芷云

陳名驕字漢醇龍溪人也髫年失怙恃矢志攻苦力行孝弟顏所著述曰念莪不忘本也見人退然若不勝衣訥訥不出口而撝謙善下人服其德至於經史子集細意剖晰得其蘊奧學者尤傾慕焉從之遊者後先登科第驕在庠序中兩冠軍鄉闈三被薦終不獲遇康熙庚子始中副榜迨選易州判命下而驕已卒

黃補字裁之龍溪人力行好學早歲究心四書五經及濂
洛關閩書嘗謂學者欲識孔孟之心在體程朱之言故
其學以主敬存誠爲宗終日歛膝危坐達旦抵暮無惰
容嘗陟武彞造建陽訪朱子遺蹟欣然歸著有心圖太
極圖原西銘口義等書藏于家補少時以書謁安溪相
國光地相國嘉其篤志又從同里詹明章問質疑義所
學卓有淵源晚益邃養結廬文山之下雖日不再舉火
而彈琴咏歌與古賢晤對充然自得卒年八十餘

鄭誠中字葦齋龍溪人大同守潤中之弟也潤中爲良二
千石誠中名家華胄而閉戶靜修罕與豪貴人來往內

漳州府志

卷之四十一

人物六

四

四百三十五

行純潔尤以文鳴于鄉結社南洲與鄭亦鄒戴盼孫芷
諸名流服襄駮駕狎主齊盟顧獨浮湛諸生間康熙己
酉應鄉貢未仕卒子蒲乾隆甲戌進士

林錫齡字于九漳浦人家貧授徒以贍朝夕少失母依父
膝下無或離一日應郡試忽心動謂同儕曰吾父得母
疾而念我乎急歸省果瘋疾大發館粵東講書至父母
在不遠遊沉痛切至淚泫泫下環聽者皆感動自是百
里外有延聘者率弗赴每病俗士究心膚末於浮藻有
志經學者又傳會穿鑿義益晦乃悉心體會傳註講章
之外時孛獨見而精微之旨動與真儒相契合生平質

直無偽斂然靜默體恭而氣和爲文章自寫心得不
求工試輒冠其曹不自意入舉場蹭蹬至白首無愠色
教弟子先倫行終日溫溫有過必莊色相規不少寬假
年逾耆始以貢次司訓侯官益勤課講年八十餘致仕
猶日召舊從游及諸孫披篋論經史亶亶焉雖微疾不
稍輟先是漳浦令陳汝咸雅重錫齡時諮問政事有欲
因以干請者輒然曰子誠不意子以此等人目予有司
舉孝廉以父老辭然人皆謂是真孝廉云嘗以矩名其
園漳人士共稱之曰矩園先生所著書凡六種其四書
解行于世

漳州府志

卷之四十一

人物六

辛

四百二十

張叔元字質人海澄人幼穎慧日記經史萬餘言父母慮
其聰明太露納之空室中僅有萬年歷一卷叔元遍閱
之經年不用日書旣爲諸生食餼拔貢太學廷試歸文
名籍甚授經外躬親奉養足迹不出戶庭與人處冲冲
然善下不知其爲知名士也雍正元年當路舉孝廉方
正固辭郡太守許國祚延主仰文書院十邑才俊多所
成就年七十餘卒

葉茂遠字聞遠龍溪人康熙辛卯舉人性好古研索諸經
解抄錄巾箱以資攷証嘗私訂儀禮經傳謂禮記傳也
今人讀記而不讀儀禮經失其原始矣韓子苦難讀而

惜不楫讓進退于其間乃景仰文周法制之至者不謂
王安石藉口廢黜之是得罪於韓公也一時遊其門者
皆知崇經學樹品節晚授古田縣教諭教人讀經又貴
敦本厲行以發揮經蘊其本末兼舉如此諸生顏其堂
曰力興正學載古田名宦志在官十年以老告歸所手
定書目頗多維心堂文集乃其自著也居於西北二水
之涯學者稱二涯先生

嚴光遠字四被海澄人工制義少與同產兄與智齊名兄
歿獨養母益孝謹授經不百里外雍正乙卯舉于鄉一
上公車以母老遂不赴掌教儒山書院士之有文學者

漳州府志

卷之四十一

人物六

五

四百二十九

多出其門年七十餘終子錫祉亦爲名諸生膺歲薦

郭成郭字若虞幼嗜學工制舉業兼治古文詞原本經史
尤服膺朱子大全諸文家最愛歸震川集手丹黃至四
五次故所作皆精邃淳古時流莫能及也鄭亦鄒倡主
南洲社偉其學表以風社中入南靖學試輒高等與莊
副使亨陽齊名成郭晚始舉于鄉公車歸遂不復出家
故貧所居不蔽風雨常杜門著述浩歌自得也里中求
文者非其人雖厚幣悉辭之老益潛心理學常語人曰
學以不欺爲本曾子誠意子思慎獨以及周程張朱之
奧皆托此一言因榜其所居爲不欺室卒時年七十餘

姚作楫字濟夫龍溪人以文行稱少失怙恃悲不逮養事叔父甚恭謹曰與吾親同體者也家貧養殮不繼或有所得糝肉必以頒其親從之老孤與寡者曰吾非能惠所以勸也嘗授徒某家隣有艷婦來奔峻拒之詰朝請徙館主人怪問終不言其故濟夫性敏以勤晝夜讀誦不輟然數奇試輒不偶又善病年五十遂鍵戶專務著述泊然無名利營當是時里中士競尚詞藻割腴摘豔自詡屈宋揚馬獨作楫與郭成郭論說程朱兼治韓歐言證道敷文一歸實行纂有漳儒文薈四卷嘗採大經二十一史分君臣父子諸目爲倫鑑五卷選十二代詩

漳州府志

卷之四十一

人物六

五

四百四十一

分典觀羣怨諸類爲詩綱七卷又以李幼武續宋名臣言行錄猶缺理宗以下因輯宋名臣言行錄續補四卷尚未成書惟文薈有稿本行世郭序之卒年七十一

林長汪字百度漳浦人歲貢生少穎敏好學時宗伯蔡文勤公以正學倡導人士語人曰林子嚶嚶殆聖門之狂士歟長汪聞之益自厲教授生徒自四子書諸經以及左氏傳論議精微奧衍莫測涯涘每日攜一編逐樹陰繞清流踞石而坐弟子環列其旁反覆開說娓娓無倦容有質疑者必竭兩端如撞鐘隨叩而響也閑步庭除聽弟子誦讀聲抑揚頓挫必從窓櫺外朗吟密味以和

八旬矣躬詣市上購一山海之鮮小孫負囊米踵

或謂先生宜崇體貌一汪應之曰吾固人子也豈為

俱親甘旨而崇體貌一授閩縣司訓丁憂服闋又授

浦卒年七十有八著有四書摘一

小瑩光字韜仲漳浦人私蔡文勤世遠講學鰲峰不為

習谷文動喟然曰一士信道甚篤言動可師延土家

道以書曰諸子資一可造端所向樹根底嚴課程惟

師是望諸子後先登科第有聞於時今大司馬新歸

復延請課子孫於一吳卒也為作驢恕先生傳曰先生

州府志

卷之四

人物六

五

云及既母事母蔡孺人如孺子假館歸必懷鮮菓以

時或嬉戲前母笑曰而效老萊子耶授子弟經訖不

煩以訓詁先生顧不自逸講論聲朗朗不倦回億四

年前侍舉比掀髯奮臂商古今人物得失精神如昨日

事益嘆先生完養為不可及也卒年八十著有四傳

要經學通考若干卷

陸鍾宏字所宇海澄人雍正己酉選拔入成均是時合

孫文定家淦為大司成以五經性理近思錄書訓諸

朔望升明倫堂請業者環坐聽講講罷相與剖析疑

難藹若家人所宇於言下獨能領受文定心器之

勤世遠嘗語人曰祈宇於學有會心山左饑以高第
街

命往辨賑事旋以親老假歸乾隆甲子舉於鄉設絳郡城戶
外履滿爲人簡默篤本行動止不苟著有四書說及詩
文集若干卷

王秀榮字乃欣龍溪人肌骸戍削雙眸耿耿射人鄉先正
葉茂遠海濱耆宿也秀榮從之遊漸有所窺探督學上
蔡程元章取入邑庠居恆好書集數萬卷雨淋蠹蝕之
餘隨部檢抄得其涯涘而於儒先註疏及通志堂經解
安溪李氏說各有紬繹手自抄錄心希心得或勸之著

漳州府志

卷之四

人物六

五十四

述曰吾心契在胸將以驗諸所造可浪費筆墨耶課子
以先儒程氏分年日程爲準子有喜有嘉字隨孚以五
經中副榜入太學及河間王仲退門王故李文貞高第
深思詣極學成行尊有嘉自執經後嚴義利之辨爲人
爲己之分旬日間每進見輒濯去舊習不屑屑爲記問
詞章之學雷副憲鉉李侍御玉鳴蔡大司馬新皆心重
焉自京師歸侍雙親承色笑接引後學無倦色館于鄴
山與黃巽亭寬晨夕倡和交易勗聞王仲退訃爲服心
喪三年其篤於師友如此乾隆己卯舉於鄉未上公車
卒所著有鑿山詩集及駢體古文若干卷

李離明字麗文平和瑄溪人父懷春廩于庠離明繼之
高等生鄉之耆俊皆折行輩願交離明退讓温如也好
湛思六經宋儒書爲科舉文宏深肅括房考官屢薦不
得售無少芥蒂與學子講晰經書疑義諄復不厭同安
黃文川濤龍溪黃巽亭寬二君以名輩掌文圃鄴山書
院皆先後舉離明代主講席從之遊者甚盛辛卯膺歲
貢乙未冬卒年六十有五著有古今文詩詞若干卷
論曰唐韓愈自言世無孔子不當在弟子列乃觀其
典殷侑博士書推讓弗如嘆其能味於衆人之所不
味至欲執經座下何其言之相戾也六經者載道之

漳州府志

卷之四十一

人物六

七

三百九十七

書含咀英華作爲文章可以雄視百代而離絕乎句
讀反覆乎義疏首尾貫徹本末洞哲則雖昌黎亦有
所不逮焉此其所以出見真儒蹶蹶然顏變愧生也
今錄林廷擢詹明章已下諸儒所造淺深不同而同
歸於潛心下帷耽經好古彷彿漢唐儒先雅範更援
引昌黎推崇經術盛心以見先正自知之明後之號
爲文士所當孜孜致力者在此不在彼

李基益

鄭亦鄒

溥

陳

箴

戴

冠

呂雲棟

許錫祉

鄭子江

陳

珩

袁

庭

田

林夢斗

王道

李松齡

李

杜

魏銑

芬

昉

廖

進

李基益字時行龍溪人世奇之子也康熙甲子舉人也
 善屬文解聲律遂以詩鳴年十一廁于庠因省闈考十
 困公車者三因詣部乞改教職之任未定久之同學有
 歌續招隱者報以言歸曲即日詣上官乞休既抵家日
 以著述為事基益口訥然每談時事輒慷慨論列不能
 已嘗鏡古今得失傷時事盛衰作史論感鄉俗之偷憂
 民生之蹙作閩漳風詩思微言將絕念末學傾頽作心
 宗其餘喜怒哀樂悉寄之詩末年為邑令聘主義學歲
 餘以老病辭年七十七卒

漳州府志

卷之四十一

人物六

吳

四百二十四

鄭亦鄒字居仲海澄人父之惠舉順治丁酉經魁知山東
 任邱縣知縣致仕歸以齒德重於時所居鄉曲直就平
 無庭訟者嘗論陳里長甲戶之弊至今民德之亦鄒幼
 而穎敏為父所鍾愛十歲能詩文十三補弟子員旋食
 餼試輒高等顧不屑屑帖括業博覽群書務求實得子
 史百家皆丹鉛數過聞寧都魏叔子善古文為海內耆
 儒齋糧往謁之遂浮江淮歷豫晉下楚粵歸而鍵戶著
 述蒐輯舊聞欲勒成一家言以不朽自命當是時亦鄒
 尚為諸生名已滿大江南北比膺鄉舉第丙戌進士執
 政薦其才授內閣撰文中書與何屺詹焯汪武曹份吳

荆山士玉方望溪苞在都門論交甚契望溪嘗許其所著書兼蔚宗承祚之長荆山亦稱居仲詩才史學肩唐踵漢又言閩中同年推二鄭謂亦鄒及侯官鄭魚門任鑰也亦鄒雅志著述澹于仕進未幾乞假歸里結廬白雲洞之麓倡南屏文社以友教四方學者自遠至適張清恪伯行撫閩聞其名聘爲書院學正深敬重之少豪邁負才氣與友朋辨論喜求勝及其長書院也薦耆儒詹兼山於清恪見蔡文勤世遠折行輩爲友致書戴麥村盼謂君有高弟莊亨陽吳開業吾門有陳先登郭成郭及從子溥皆後來英彥宜倍加護惜其雅懷汪度好善如不及也又如此康熙間張清恪薦入纂修館未赴而卒所著白麓藏書十數種皆散佚惟存樂府一卷詩文鈔若干卷從子溥

漳州府志

卷之四十一

人物六

五

四百十一

溥字百泉家石鎮弱冠受知學使沈心齋涵取邑諸生第一爲人雅飭而博學多才自經史以至方書地理靡不精究工詩及書畫甲午鄉薦癸卯第進士授泉州教授卒于官

陳箴字于寶龍溪人順治五年恩貢生歷平和邵武建寧連城教諭所至皆有聲周方伯亮工張撫軍百行先後禮重之工詩有中晚人風格著晚簾詩集晚簾文鈔第

五集藕絲集與同時洪理順齊名理順以文箴以詩吳越間推主文壇者必及兩人云

戴冠字子彈詔安歲貢生岐嶷異允兒稍解書穎悟絕倫有神童之目未弱冠補弟子員試輒冠軍遊林忠簡日瑞之門授以經史子集靡弗蒐羅淹貫耽吟咏遇古刹琳宮殘碑碣摩挲玩賞無虛日屐齒所至一時名下相酬唱題咏頗多又徧訪名山大川如百粵三江五嶺八閩諸勝興酣落筆以意氣自豪晚得大田學博嘆曰是教育英才地也日講課諸生疊疊無倦容問字者多戶外履秩滿拂袖歸邑令秦烱重其人詢及時政適有文

漳州府志

卷之四十一

人物六

五

四百十九

量之議吏不爲奸冠與有力焉修詔安邑志名善本

呂雲棟字松甫龍溪人生有足疾磐跚行父弗善也日雖書寸許命誦弗上口則加笞雲棟日從諸童子嬉夜五鼓篝燈雜誦質明背如流父奇而愛之弱冠補弟子員屢試高等數踟省門試不售頽然詩酒間晝授生徒夜講元要諸宿學多從質問焉雲棟研精文律覃思幻渺當其有得刊盡陳膚猶見先秦兩漢人骨脉著有松甫詩文集其弟子許錫祉爲人修潔亦好古文詞惜晚歲目盲散失不存焉

鄭子江字民仲龍溪人有夙慧自學爲文卽出語驚先輩

父賓甫課督甚嚴無間早夜遂於書無所不讀冬則擁
鑪火朗誦達曙日盛冬尤宜讀書也得異書必事鈔錄
滿數篋好陶南邨王輞川杜少陵詩於文則上規左國
下逮韓柳諸大家與勝國名宿倡和數年盡窮詩古文
詞之妙漳人士交稱之曰吾黨力學好古惟有二鄭耳
蓋指亦蘄與子江也弱冠補諸生旋貢成均登康熙康
子賢書屢躋公車不欲赴蔡文勤世遠雅重其學移書
勸之行子江遂辨嚴取道北上中途疾作逕歸以卒子
江天植厚能以色養其親喪祭盡禮每逢諱日淚泫泫
下不能止進牲饌必歷指品味以告如事生然生平疾

漳州府志

卷之四

人物六

五九

惡甚力而接人必以禮性廉介雖匱乏不苟取於人有
急我者卽傾囊周之著有四書說鈴大平十五策沙村
詩稿古文存稿若干卷臨歿囑其子曰吾半生精力萃
此數書當索知我者定而行之

陳珩字非楚龍溪人少補諸生飭廉隅跬步不苟督學車
鼎晉試第一面獎之講學授徒益樹品所著制義及詩
歌古文詞不囿於俗屢困棘闈終不改甲辰冬督學黃
之雋按漳珩賫呈告病見其名慰勞之曰耳熟久矣猶
作諸生耶命屬草不用楷招覆榜出名第一鐫其文于
校士錄尤加激賞珩與同郡蔡文勤世遠友善文勤稱

珩善古文又嘗與陳夢林陳元麟論郡人士可爲巨擘者各暗書姓名於掌出視皆同共三人其一卽珩也時議舉鴻詞科而珩卒士論惜之

袁庭字子楚龍溪人少負奇氣博學尚文尤工詩所著舍南集嶺南梁藥亭爲之序多變徵之音其後從四明陳心齋浙西沈竹溪諸公遊詩名益震著有推袁集不離慷慨激昂本色晚著拱戟集一變而爲冲和恬適得風人深趣漳浦蔡文勤世遠序王直夫詩云吾黨陳石林藍玉霖陳石民陳非楚以文名者也莊元仲李麟倉袁子楚及直夫以詩名者也就詩而言子楚長于古足爲

漳州府志

卷之四

人物六

卒

定評庭力行孝友稱重於鄉黨弟蚤世庭舉一子名館南補諸生立爲弟後與世之專鶩詞華者相去逕庭所謂溫柔敦厚得詩之深者歟弟田字耕野亦以詩名性好山水顧貧且病日唯嘯歌牖下一旦興廢遂買舟南浦出黃如江登大武陟梁山而歸著初遊草陳圖南爲之序閩粵人多傳誦之時有子田腑臟皆山水痕之稱畸士也

林夢斗字子牛龍溪人美鬚髯善談論博雅能詩尤長子樂府由柳河東而上摹漢魏者也漳故有名進士曰鄭亦鄒戴盼才名震一時數有論著或商確事宜則必質

諸夢斗焉故宗伯蔡文勤世遠嘗序其詩曰
撫時悲壯清峭令讀者悄然以思和余都門新作名公
卿皆歎詫問曰林夢斗何人則對曰吾漳林子牛也
王道字直夫漳浦人與蔡文勤世遠爲總角交相善也嫻
吟咏少以詩受知于漳浦令陳汝咸及學使沈涵名大
揚北遊京師吳宗伯士玉重之以薦授金山令道自
生至筮仕每餘暇輒手一卷嘯吟不輟晚家居暇甚無
事更得寫其陶然蕭散之致所爲詩從近體入雅健沉
鬱古風樂府氣味淵茂意理俱足其不懈而及於古者
也

漳州府志

卷之四

人物六

李

李松齡字鱗蒼漳浦人性峭直爲邑諸生屢試甲其曹顯
有時譽郡守柏卿魏荔彤聘修府志復令纂風雅源流
十三卷於時中丞張伯行議刊校儒先書延九郡知名
士松齡與焉臺灣告警制府滿公視師廈門羅致賓幕
羽檄旁午屬草籌畫動中機要歲戊申 朝議行薦辟
令蔡宗伯世遠以書勸駕松齡顧以父老不忍違膝下
歡作續南咳書以見志旋膺薦鴻傳竟以無妄之事寢
薦牘人咸惜之晚入京師館故相國滿公家游六學試
皆高等雷副憲鉉時助教國子謂之曰君老成奈何與
後生輩角藝相後先乎松齡媿謝自是日與輦下諸門

人賦詩酌唱哀三百餘篇謝古梅道承愛而序之逾年
赴銓部得教授職未仕而卒著書凡十餘種惟日強堂
詩鈔鹿水門集行世

李杜字遜唐海澄人胸無城府而見義必爲雖機穽在前
弗顧也居斗室中博覽史冊于歷代升降得失興廢之
故靡不切究平居酒酣耳熱與知交劇談天下事慨然
若思大用于世及成進士則又以家居色養爲樂而徇
狎于山水間初杜避地寓漳浦授徒講論暇輒引弟子
暗誦古今文較遍數或列長案拈題角遲速以爲樂每
掖獎勸之中寓敬業樂羣意趣後生小子無不樂遊其

漳州府志

卷之四

人物六

三

門爲文章筆無停機稿不再易見者恒爲心折而未嘗
自多有遜唐四書文行于世

魏銓字時六龍溪人爲文高潔峻峭迥出塵埃之表康熙

三十七年學使汪薇按部入漳貢成均有持其

宗伯焚者稱曰天下士由是名噪都下爭禮聘爲師銓

竟以定省故力辭南歸同時漳浦有蔡昉者薇批

曰是卷墨淡行欹按其字畫幾如摩挲石鼓揭竿後

例來謁問其年八十有二矣以崇禎壬午

垂六十年通經學古世無知者竟屈抑附學生

嘆也又平和有廖進者薇批其文曰辭義

所謂乾端坤倪軒豁呈露者童卷有此其淪落不偶可知孫陽何處是淚盡太行程吾將攀而哭之錄此誌學使者能得十抑二生之種學績文其梗概可見矣

論曰洙泗之門文學同科後世史氏旣傳儒林復傳文苑判文與學而二之何耶濂溪周子曰文所以載道也輪轅飾而人弗庸徒飾也况虛車乎今世所謂文皆虛車之屬也然其指事類情因物寫心出入乎有無之間消息于離合之際陸氏文賦詳矣至唐韓柳宋歐王曾蘓自言其所得力者窮畢生之精神庶幾焉然則文亦豈易言哉清漳歷唐宋元明以文鳴

漳州府志

卷之四十一

人物六

奎

三百五十二

者不乏人入國朝來各以詩文制義擅場其名見於二希堂集中及其後人錄送著作苟可存者皆採入藝文或來裔式微零文散帙皆其人情神所存亦陸續收之紀遺中并傳其人勿使姓氏湮沒如蔡昉廖進諸種學績文之彥失今不錄後世聲光無從窺尋矣恐海澨山陬瀕洞杳冥中散佚而不傳者尚有其人也後之載筆者留意焉